



Қалиева Назым,

№ 5 орта мектебінің 10 сынып оқушысы

Отанымыздың жүрегі, тәуелсіз Қазақстанның жаңа Елордасы - Астана

қаласы. 1997 жылғы 20 қазанда Қазақстан Республикасының Президенті Н.Ә. Назарбаевтың Жарлығымен Ақмола қаласы елдің Астанасы болып жарияланды. Президентіміздің Жарлығы шыққаннан кейін-ақ әлемге жар салып, Азаттық биігіне қуаныштың көк туы қадалды. «Бұл жерде енді Отанымыздың жүрегі соғады» - деген еді Елбасымыз Нұрсұлтан Назарбаев ерекше толқып тұрып. Елбасының дұрыс шешімі іс жүзінде жүзеге асқанына Қазақстан халқы куә еді.

Тәуелсіз Қазақстанның жетістіктері еліміздің тұңғыш Президенті Н.Назарбаевтың есімімен байланысты.

Бүгінгі атқарылып жатқан игілікті істер, ұйымдастырушының күн-түн қатып, жанын жеп атқарған ұлан-ғайыр жұмыстары, жігерлі, өткір, білімді басшыны еліне тез арада танытты.

«Жасыратыны жоқ, кейде мен де іштей ойланамын, түн ұйқымды төрт бөліп ұйықтамай шығар түндерім болады. Сондағы бар ойлайтыным - елімнің болашағы» - дейді Елбасы Н. Назарбаев. Тәуелсіз Отанымыздың көк жүзімен астасқан көк байрағы астында Біріккен Ұлттар Ұйымына мүше болуы, ардақты ана тіліміздің мәртебе алуы, Семей атом полигонының жабылуы, көп ұлтты халықты бір тудың астына ұстауы, Елорда болып Астананың бой көтеруі, Елбасының жыл сайынғы халыққа Жолдауы, 14 мың шақырымнан асатын шекарамызды болашақта ешкім, еш ел дауласпайтындай етіп құжаттармен белгілеуі, біз үшін қам жеп, біздің ертеңімізді ойлауы - бәрі-бәрі Елбасының арқасы. Президент сайлауынан соңғы ұлықтау рәсімінде Елбасының қасиетті көк байрағымызды қолымен аялай уысына алып, сүйген сәті, жаңа Әнұранның асқақтай шырқалуы менің де кеудеме мақтаныш сезімін кернеткен еді. Өзім Қазақстандай елде тұрғанымна қуандым. Рухты ән жігеріме жігер, тегеурініме тегеурін қосты.

[Введите текст]

Елордамыз Астана жылдан-жылға зор қарқынмен дамып, өркендеп келеді. Тәуелсіз қазақ елінің желбіреген көк туы Елорда көгінде қалықтауда. Астана көркі-зәулім «Бәйтерек» Елорда төрінде бой көтерді. Оны мәңгілік мұнарасы деп те атайды. Мәңгілік өмірді жер жаһанға жария етіп тұрған «Бәйтерек» - бас қаламның символы. Егемен мемлекетіміздің бойтұмары. Ел мақтанышы.

Қаланың қараса көз тоймайтын жерлері көп. Елбасының ұсынысымен «Орбита» ықшамауданындағы «Отан Ана», «Азия барысы», «Көк бөрі» композициялары өнер туындылары, мәдени орындар, театрлар, кітапханалар, «Қиял әлемі» ойын-сауық паркі, «Думан» мұхит әлемі паркі, Еуразия университетінің спорт кешені, «Алатау» спорт сарайы-бәрі-бәрі көз тартады.

Бүгінгі Астана-сұлу да салтанатты, сәнді де сәулетті қала деген ұғымға лайық.

“Ата-баба мықты еді ғой, мықты еді, ұрпағы одан да мықтырақ болу керек”, - деп Қадыр аға айтқандай, Астана Қазақстанның елордасы ғана емес, ол ұлттың сырын, бары мен нәрін бойына жинаған аманат ордасы.

Қазіргі Астана қазақ халқының рухын көтерген жаңа заманға лайық айбынды қалаға айналды. Есіл өзенінің сол жағалауында көркі мен сәулеті жарасқан кешендер, сарайлар, тұрғын үйлер бой көтерді. Оларды көрген сайын қазақ баласының кеудесінде мақтаныш сезімі пайда болады. Астанадағы ғажайып ғимараттар арасында Ақорда сарайы асқақ келбетімен ерекше көзге түседі.

Ақорда–Қазақстан Республикасы Президентінің резиденциясы. Онда Елбасымыз Нұрсұлтан Әбішұлы Назарбаев жұмыс істейді. Мемлекеттік маңызы бар тарихи шешімдер осы алып зәулім сарайда қабылданады. Жоғары деңгейдегі кездесулер мен салтанатты шаралар өтеді.

Ақорда сарайының ашылу салтанатына қатысқан Әбіш Кекілбайұлы, Мырзатай Жолдасбеков, Ақселеу Сейдімбек сынды ардақты ағалар: «Ақордамыздың іші құтты болсын, ынтымақ пен бейбітшілік ордасына айналсын!», – деп ақ баталарын беріп еді.

Астана ажарына айналған Ақорда сарайы азат еліміздің айбынды нышаны болып асқақтап тұр. Оның келісті кескін-келбеті, сән-салтанаты кемел келешегіміздің бейнесіндей.

Қазақтың белгілі ақыны Сұлтан Қалиұлы атамыз:

“Астанадан тарайды нұрдың бәрі,

[Введите текст]

Қадам бассаң, қарсы алар символдары.

Тарихың да, салт-дәстүр, өнерің де-

Символдарда Астана – бұлбұл бағы.

Араласаң-асылдың нелер кені,

Елестейді осында –ел ертеңі.

Оқығандай боласың том-том кітап,

Ұшан-теңіз білімге кенелтеді”, - деп

жырлағандай Астана – символдар қаласы екендігі бәрімізге айтпаса да, мәлім нәрсе. «Менің Қазақстаным!» Осы бір сөзді кім-кімде болсын ерекше бір әсермен, терең толғаныспен, бар ниетімен айтатын секілді. Шындығында, осы сөздің астарына тереңнен көз жүгіртсек, осы бір- екі-ақ ауыз сөзге қасиет те, құдірет те бәрі-бәрі сыйып тұр емес пе? Себебі - менің елім ең қуатты, ең байтақ, ең қасиетті ел. Олай дейтінім, еліміз тәуелсіздігіне күні кеше ғана қол жеткізген, қанатын қақпаған сарыауыз балапан секілді жаңа-жаңа қанаттанып келе жатса да, ешқандай мемлекеттен кем түспейді.

Елімнің ұлан-байтақ жері, көз тұндырар табиғаты, сылдырап аққан өзен-сулары, жайқалған жасыл желегі мен жан-жануарлары, жер астындағы барлық пайдалы қазбалары, – бәрі-бәрі мен үшін өте қымбат.

Қазақстан экономикалық, әлеуметтік-саяси демократиялық тұрғыдан жедел даму жолына түсті және де ол тек бұрынғы кеңестік аясында ғана емес, сонымен бірге әлемдегі қарқынды дамып келе жатқан елдердің бірі саналады.

Әрине, мұндай жетістік өздігінен келе қойған жоқ, оған қоғамдағы азаматтық тұрақтылықты сақтауға, оның тиімді тұтқаларын жасауға орай бағытты дұрыс таңдап алудың арқасында қол жеткізілді. Осындай тарихи міндеттерді шешуде біздің көп ұлтты республикамыздың бірінші Президенті Н.Ә. Назарбаев басты рөл атқарды. Кеңес Одағы ыдыраған кезде Н.Ә. Назарбаев батыл да білікті қадамдар жасай білді. Н.Ә. Назарбаев жасампаздық саясатты таңдап алды, халық пен мемлекет билігі бірлігінің, Конституцияның, адам мен азаматтың құқықтары мен бостандықтарының беріктігінің символы және кепілі болды.

Мемлекет басшысы - интернационалдықты берік ұстанатын адам. Оның жеке қадір-қасиеттерінің, кең дүниетанымының арқасында әр алуан этникалық топтардың адамдары біздің тарихымыздың ең бір қиын-қыстау

[Введите текст]

кезеңінде оған үлкен сеніммен қарады және байырғы қазақ жерінде мемлекеттікті дамытудың бірден-бір қолайлы жолы ретіндегі егеменді мемлекетті құрудың ең үздік принциптерін қабылдады, бұл орайда бейбітшілік сүйетін қоғамда бостандықтың, теңдіктің және келісімнің идеалдарын ұстануды бірінші кезекке қойды.

Нұрсұлтан Назарбаев Қазақстан жағдайында азаматтық қоғамның сапалы жаңа моделін құру мүмкіндігін іс жүзінде дәлелдеп берді, онда көп мәдениетті нысан терең демократиялық мазмұнмен үйлесімді түрде астасатындығын көрсетті. Әлемдік тарихтың мұндай қазақстандық феноменін толықтай ізгілік тұрғысынан бағалау алдағы күннің еншісінде. Бұл орайда Президентіміздің Қазақстан халқының алдында ғана емес, сонымен қатар жаһандық ауқымдағы сіңірген орасан зор еңбегі ерекше атауға тұрарлық. Тәуелсіздік жылдары айтарлықтай қол жеткен нәтижелердің қатарына республикадағы сыртқа көшу процесін тоқтатуды жатқызуға болады. Егер бұрын адамдар елден негізінен экономикалық себептер бойынша кеткен болса енді эмигранттардың мыңдаған отбасылары Қазақстанды өзінің Отаны, сенімді де қолайлы үйі көріп оған қайта оралуда. Бұл орайда біздің Президентіміздің ұстанған салиқалы саясаты бірден байқалады. Ал оның негізгі арқауы Қазақстан халықтарының достығында жатыр.

Президент әлемдік ағымдарға мұқият назар аударады. Оның іргелі еңбектерінің қатарына жататындар: «XXI ғасырдың табалдырығында», «Нарық және әлеуметтік-экономикалық даму», «Қоғамды өзгерту стратегиясы және Еуразиялық өркениеттің қайта өрлеуі», «Бейбітшілік эпицентрі», «Еуразия жүрегінде» тәрізді кітаптары мен басқа да ғылыми жұмыстары әлемнің көптеген елдерінде кеңінен қолдауға ие болды.

2006 жылдың 11-ші қаңтары күні Астанадағы Ақорда сарайында бүкілхалықтық сайлауда тәуелсіздік туымызды желбіреткеннен бергі аз ғана жылдар ішінде елімізді ерен жетістіктерге жеткізгені үшін халқымыздың ризашылығына бөленіп, өте көп дауыс жинап жеңіске жеткен Президентіміз Н.Ә. Назарбаевты ұлықтау рәсімін мен көгілдір экраннан тамашаладым. Салтанатты шараға әлемнің 70-тен астам елінен келген мемлекет басшылары мен көрнекті қоғам қайраткерлері қатысты. Ұлықтау рәсімінің мерейлі де, әсерлі сәті әсіресе, Елбасымыз бір тізерлеп тұрып қасиетті көк байрағымызды қос қолымен аялай уысына алып, емірене сүйген сәтте, жаңа Әнұранымыз асқақтай шырқалған сәтте арқаланып, кеудемізді мақтаныш сезімі кернеді.

[Введите текст]

Алда жаңа асулар күтіп тұр. Елі сенім артқан Елбасымыз елімізді талай асулардан да зор жетістіктерімен алып өтетініне мен кәміл сенемін. Дағдарысқа қарамай еліміздің экономикасы бәсеңдеп кеткен жоқ. Қайта, Елбасымыз халықтың жағдайын күннен-күнге жақсартып келеді. 2008 жылғы Бейжің олимпиадасында қазақстандық жанкүйерлер қатарында Елбасымыз Н.Ә. Назарбаев болғанын білеміз. Осы кезде мемлекет басшысы Олимпия қалашығында болып, қазақстандық олимпиадашылармен кездесті.

“Мен сендерге мұнда жанкүйер болу үшін, сендер біздің қолдауымызды, бүкіл Қазақстан халқының қолдауын сезінулерің үшін келдім. Сендердің Олимпиадада лайықты өнер көрсететіндеріңе сенімдімін”, - деді Президент. Нұрсұлтан Әбішұлы қайда жүрсе де, оның тағдыры адамдармен байланысты, әркез ол үшін адамдардың, отандастарының пікірі үлкен маңызға ие болды. Ол әрқашанда өзінің шыққан тегін, атамекенін ұмытқан емес, ұмытпайды да, өйткені, баурайынан мөлдір бұлақ аққан, көк аспаны ашық, Алатау бөктерінде осындай ұлды қанаттандырған ата-бабасының зираты жатыр. Н.Назарбаев туралы оның бала жастан досы болған қазақстандық балқар Юсуп Беккаев былай деген еді: «Ол бала кезінен лидер, үлкендерді сыйлайтын, сенімді дос болды».

Президент болу және қазіргідей ауыр жүкті көтере білу міндеті жеңіл емес. Жұмыс істеу керек, әрі көп жұмыс істеу керек! Ал қалай көп жұмыс істеу керектігін Президент өзінің күн сайынғы атқарған ісімен дәлелдеуде.

Мемлекетіміздің әлемдік деңгейдегі абырой-беделін біздің Президент туралы 2004 жылы желтоқсанда жарық көрген «XXI ғасыр: әлемдік элита Н.Ә. Назарбаев туралы өз ойларын білдірген. Қазақстанды басқарушы өзгелерге ұқсамайтын, жоғары зияткерлік деңгейлі, адамды сендіре алатын, болашақты болжай алатын, шахмат тақтасындағыдай саяси, экономикалық, әлеуметтік кез келген жүрістер жасау шеберлігін меңгерген тұлға болып табылады. Н.Назарбаевтың саяси саладағы қол жеткен жетістігіне келер болсақ, ол ең алдымен өзінің ұзақ жылдар бойғы жұмыс барысында аса мән беру арқылы қалыптасқан дағдысына байланысты. Нұрсұлтан Әбішұлы әрқашанда мәселелерді шешуге көмектесетін ахуалдар мен пайдалы идеяларды талдау арқылы қатаң нақтылыққа жүгінеді. Ол сынау үшін жасалған сынды мойындамайды. Оның әр түрлі нысандағы сөйлеген сөздерін жұртшылық асыға күтеді, және олар өздерінің күткен сөздерін естиді.

Келісті келген сыртқы түрі, өткір де ойлы көзқарасы, сөз тапқырлығы, идеясы, өзгені тыңдай білуі-оның қанына сіңген табиғи асыл қасиеттері.

[Введите текст]

АҚШ-тың аты аңызға айналған бұрынғы мемлекеттік хатшысы Генри Киссинджер 2005 жылы 15 қазанда Астанаға сапармен келіп, Н.Ә. Назарбаевпен кездесті. Кездесу барысында американдық қонақ тәуелсіз Қазақстанның қол жеткен жетістіктері туралы жоғары баға берді. Әлемдегі талай астаналарды көрген АҚШ-тың бұрынғы мемлекеттік хатшысы Астанамен танысқанда өзінің таңғалысын жасыра алмай, қазақстандық астананың басқаға ұқсамайтын ерекшелігін атап көрсетті. Ол астана болғанына он жылға жетер жетпес уақыт ішінде өзіндік келбеті қалыптасып, нақты айшықты түрге енгені туралы пікірін білдірді. Американдық қонақ астананың мәселесін талқылаумен бірге бүкіл азиялық Қазақстанның экономикалық дамудағы рөлін және оның лаңкестікпен күрестігі, сондай-ақ әлемдегі адамдардың өмірін жақсартудағы рөлін жоғары бағалады, бұл орайда Қазақстан Республикасы Президентінің ерекше рөл атқарғанын атап көрсетті. Генри Киссинджер кездесудің қорытындысында Нұрсұлтан Назарбаевты беделді халықаралық сыйлықты алуымен құттықтады. Никсонның Бүкіләлемдік орталығы біздің Елбасымызды «2005 жылдың адамы» деп таныды. Президент өзінің жыл сайынғы Қазақстан халқына Жолдауында алда тұрған міндеттерді нақты қойып, қандай асуларды алу керектігін айқын көрсетіп берді, қол жеткен жетістікпен тоқтап қоймай, өзіміздің болашағымызды және біздің келешек жастарымызды қандай болу керек десек, соған орай өмірлік ұстанымды парасатты түрде айқындау керектігіне назар аудартты.

Қазақстан Республикасының Президенті туралы өзінің елінде де, сондай-ақ әлемнің басқа жерлерінде де жақсы жағынан айтылып келеді, оның атқарған істерінің, әсіресе, біздің еліміздегі ғана емес барлық халықтардың бейбіт өмір сүруіне орай тындырған жұмыстарының мән-маңызын сезінбеу мүмкін емес, сондықтан да «Нұрсұлтан Әбішұлы Назарбаев - менің Президентім!» деп зор сеніммен әрі мақтаныш сезіммен айта аламын.